

Denita Č

Na osnovu člana 63. i člana 65. Zakona o zdravstvenoj zaštiti («Službene novine FBiH» broj: 46/10, 75/13), člana 5. stav 1. Odluke o preuzimanju prava i obaveza osnivača i usklađivanju organizacije poslovanja Javne ustanove Dom zdravlja Kantona Sarajevo («Službene novine Kantona Sarajevo» broj: 07/12, 49/13, 50/13), člana 107. Statuta Javne ustanove Dom zdravlja Kantona Sarajevo i mišljenja dostavljenog od strane Ministarstva zdravstva Kantona Sarajevo broj: 10-05-1880/16 od 15.03.2016. godine, Upravni odbor Javne ustanove Dom zdravlja Kantona Sarajevo na Dvadesetdrugoj sjednici održanoj dana 05.04.2016. godine donosi:

ODLUKU

o izmjenama i dopunama Statuta Javne ustanove Dom zdravlja Kantona Sarajevo

Član 1.

U preambuli Statuta JU Dom zdravlja Kantona Sarajevo («Službene novine Kantona Sarajevo» broj: 40/13), vrše se dopune tako da se iza broja «46/10» dodaje i broj: «75/13», a iza broja: «7/12» dodaju se i brojevi: «49/13 i 50/13».

Član 2.

U članu 3. u stavu (2) Statuta, vrši se dopuna tako da se iza broja «46/10», dodaje i broj: «75/13».

Član 3.

U članu 16. u stavu (1) Statuta, dodaje se nova tačka l) koja glasi:

«l) specijalističko-konsultativna djelatnost».

Član 4.

U članu 30. u stavu (6) Statuta, vrši se dopuna tako da se iza broja «34/03», dodaje i broj: «65/13», a iza riječi «Federalnim zakonom» stavlja se tačka «.», a ostali dio teksta se briše.

Član 5.

(Razrješavanje predsjednika i člana, odnosno članova Upravnog odbora)

Član 35. stav (1) Statuta, mijenja se i glasi:

«(1) Vlada Kantona Sarajevo će razriješiti predsjednika, člana, odnosno članove Upravnog odbora i prije isteka vremena za koje su imenovani, u slijedećim slučajevima:

- a) na njegov lični zahtjev;
- b) ako se utvrdi da je odgovoran za neuspješan ili nezakonit rad Doma zdravlja;

- c) ukoliko ne izvršava svoje zakonom, Statutom, odnosno drugim općim aktom utvrđene obaveze, ili ne izvršava odluke Osnivača ili postupa u suprotnosti sa njima;
- d) u slučaju da Skupština Kantona Sarajevo ne usvoji godišnji izvještaj o radu i finansijskom poslovanju;
- e) ako nesavjesno, odnosno nemarno obavlja poslove iz nadležnosti predsjednika ili člana Upravnog odbora;
- f) ako se ne pridržava uputa i smjernica Osnivača;
- g) ako učestvuje u donošenju nezakonitih akata ili odluka kojim se nanosi šteta Domu zdravlja;
- h) ako podnese ostavku na mjesto predsjednika, odnosno člana Upravnog odbora Doma zdravlja;
- i) ako svojim radom onemogućava ili otežava rad Upravnog odbora Doma zdravlja;
- j) ako svojim radom onemogućava ili otežava rad Nadzornog odbora Doma zdravlja;
- k) ako mu prestane radni odnos u Domu zdravlja, a imenovan je za člana Upravnog odbora Doma zdravlja iz reda stručnih radnika Doma zdravlja;
- l) ako član Upravnog odbora imenovan iz reda stručnih radnika Doma zdravlja učini težu povrednu radne dužnosti;
- lj) imenovanjem za direktora zdravstvene ustanove koja ima status pravne osobe;
- m) neopravdanim izostankom sa dvije ili više sjednica Upravnog odbora uzastopno ili sa više sjednica u toku uzastopnih 6 (šest) mjeseci;
- n) ako bude uposlen na drugoj izabranoj poziciji koja može utjecati na eventualni sukob interesa;
- nj) smrću;
- o) u drugim slučajevima utvrđenim zakonom i Statutom.»

U istom članu u stavu (2) Statuta, umjesto riječi «dva» treba da stoji riječ «tri.»

Član 6.

(Nadležnost za korištenje sredstava Doma zdravlja)

Član 38. stav (2) Statuta mijenja se i glasi:

«(2) Generalni direktor Doma zdravlja ima sva ovlaštenja u pravnom prometu u okviru djelatnosti Doma zdravlja upisane u sudski registar, uz ograničenja utvrđena ovim Statutom:

- a) Generalni direktor Doma zdravlja raspolaže finansijskim sredstvima utvrđenim Finansijskim planom Doma zdravlja usvojenim od strane Upravnog odbora na koji saglasnost daje Osnivač;

- b) Generalni direktor Doma zdravlja, u skladu sa Finansijskim planom Doma zdravlja i Planom nabavki Doma zdravlja, samostalno zaključuje pojedinačne ugovore za nabavku roba i usluga čija je vrijednost procijenjena do iznosa 50.000 KM, a za nabavku radova čija je vrijednost procijenjena do iznosa 80.000 KM;
- c) Za zaključivanje pojedinačnih ugovora čija je vrijednost procijenjena na iznose preko 50.000 KM za nabavku roba i usluga, odnosno preko 80.000 KM za nabavku radova, generalnom direktoru Doma zdravlja je potrebna prethodna saglasnost Upravnog odbora Doma zdravlja;
- d) Za finansijska sredstva koja se odnose na plaće zaposlenika i druga prava zaposlenika iz radnog odnosa koja nemaju karakter plaće, generalni direktor Doma zdravlja odlučuje u skladu sa Finansijskim planom Doma zdravlja, Pravilnikom o radu, unutrašnjoj organizaciji i sistematizaciji radnih mjeseta Doma zdravlja i drugim općim aktima kojima su regulisana prava iz radnog odnosa;
- e) Za finansijska sredstva koja se odnose na isplate po osnovu: edukacija, stručnih usavršavanja, službenih putovanja, pomoći, donacija, pozajmica i drugih vidova finansijskih izdataka, generalni direktor Doma zdravlja može samostalno odlučivati za svaki pojedinačni vid izdataka, u iznosu do 5.000 KM, a za iznose preko 5.000 KM potrebna mu je prethodna saglasnost Upravnog odbora Doma zdravlja, u skladu sa Finansijskim planom Doma zdravlja, Pravilnikom o radu, unutrašnjoj organizaciji i sistematizaciji radnih mjeseta Doma zdravlja i drugim općim aktima kojima je regulisano naprijed navedeno.»

Član 7.

(Uslovi koje mora ispunjavati lice koje kandidira za poziciju generalnog direktora)

Član 39. stav (1) Statuta mijenja se i glasi:

Za generalnog direktora Doma zdravlja imenuje se lice:

- «a) koje je starije od 18 godina;
- b) da nije otpušteno iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavlјivanja upražnjene pozicije;
- c) da se na njega/nju ne odnosi član IX. stav 1. Ustava Bosne i Hercegovine;
- d) koje ima završen medicinski fakultet ili stomatološki fakultet, odnosno farmaceutsko-biohemski fakultet i jednu od specijalizacija iz okvira djelatnosti Doma zdravlja ili završen medicinski fakultet sa specijalizacijom iz socijalne medicine, organizacije i ekonomike zdravstva;
- e) da ima najmanje pet godina radnog iskustva u struci;
- f) da ima znanje o zdravstvenom menadžmentu koje dokazuje certifikatom o obavljenoj edukaciji iz zdravstvenog menadžmenta, odnosno završenoj specijalizaciji iz zdravstvenog menadžmenta ili završenom postdiplomskom studiju iz zdravstvenog menadžmenta;

g) da ima program rada i razvoja Doma zdravlja u izbornom periodu, koji treba da sadrži prijedlog stručnih i ekonomskih parametara razvoja.»

Član 8.

(Znanje iz oblasti zdravstvenog menadžmenta)

Član 40. stav (1) tačka a) Statuta mijenja se i glasi:

«a) znanje o zdravstvenom menadžmentu koje dokazuje certifikatom o obavljenoj edukaciji iz zdravstvenog menadžmenta (osnovni nivo), a u roku od 24 mjeseca, računajući od dana imenovanja na poziciju generalnog direktora, potrebno je da generalni direktor stekne znanje iz zdravstvenog menadžmenta (napredni nivo), ili završi specijalizaciju iz zdravstvenog menadžmenta, odnosno završi postdiplomski studij iz zdravstvenog menadžmenta, sukladno propisima o kontinuiranoj profesionalnoj edukaciji iz zdravstvenog menadžmenta (napredni nivo), odnosno specijalizaciji iz zdravstvenog menadžmenta ili završenom postdiplomskom studiju iz zdravstvenog menadžmenta, u skladu sa Pravilnikom o uvjetima u pogledu vrste završenog fakulteta zdravstvenog usmjerjenja koje moraju ispuniti osobe koje konkuriraju za direktora zdravstvene ustanove («Službene novine FBiH» broj: 10/12, 15/13, 90/13, 83/15, 22/16).»

U istom članu i istom stavu Statuta dodaje se nova tačka b) koja glasi:

«b) ukoliko zatečeni generalni direktor znanje o zdravstvenom menadžmentu dokazuje certifikatom o obavljenoj edukaciji iz zdravstvenog menadžmenta – operativni menadžment (osnovni nivo), obavezan je u roku od 24 mjeseca, računajući od dana stupanja na snagu Pravilnika o izmjenama Pravilnika o uvjetima u pogledu vrste završenog fakulteta zdravstvenog usmjerjenja koje moraju ispuniti osobe koje konkuriraju za direktora zdravstvene ustanove («Službene novine FBiH» broj: 83/15), steći znanje iz zdravstvenog menadžmenta (napredni nivo), ili završiti specijalizaciju iz zdravstvenog menadžmenta, odnosno završiti postdiplomski studij iz zdravstvenog menadžmenta.»

U istom članu i istom stavu Statuta dosadašnja tačka b) postaje tačka c).

Član 9.

(Slučaj razrješenja generalnog direktora dužnosti i prije isteka mandata na koji je imenovan od strane Upravnog odbora)

U članu 43. u stavu (2) Statuta dodaje se nova tačka i) koja glasi:

«i) Skupština Kantona Sarajevo ne usvoji godišnji izvještaj o radu i finansijskom poslovanju JU Dom zdravlja Kantona Sarajevo.»

Član 10.

U članu 54. vrši se dopuna tako da se iza broja «34/03», dodaje i broj: «65/13».

Član 11.

(Imenovanje i razrješavanje predsjednika, člana, odnosno članova Nadzornog odbora prije isteka vremena)

Član 57. mijenja se i glasi:

«(1) Imenovanje i razrješenje predsjednika, člana, odnosno članova Nadzornog odbora vrši se na isti način i pod istim kriterijima kao i kod Upravnog odbora.

(2) Vlada Kantona Sarajevo će razriješiti predsjednika, člana, odnosno članove Nadzornog odbora i prije isteka vremena za koje su imenovani, u sljedećim slučajevima:

- a) na njegov lični zahtjev;
- b) ako se utvrди da je odgovoran za neuspješan ili nezakonit rad Doma zdravlja;
- c) ukoliko ne izvršava svoje zakonom, Statutom, odnosno drugim općim aktom utvrđene obaveze, ili ne izvršava odluke Osnivača ili postupa u suprotnosti sa njima;
- d) u slučaju da Skupština Kantona Sarajevo ne usvoji godišnji izvještaj o radu i finansijskom poslovanju;
- e) ako nesavjesno, odnosno nemarno obavlja poslove iz nadležnosti predsjednika ili člana Nadzornog odbora;
- f) ako se ne pridržava uputa i smjernica Osnivača;
- g) ako učestvuje u donošenju nezakonitih akata ili odluka kojim se nanosi šteta Domu zdravlja;
- h) ako podnese ostavku na mjesto predsjednika, odnosno člana Nadzornog odbora Doma zdravlja;
- i) ako svojim radom onemogućava ili otežava rad Nadzornog odbora Doma zdravlja;
- j) ako svojim radom onemogućava ili otežava rad Upravnog odbora Doma zdravlja;
- k) ako mu prestane radni odnos u Domu zdravlja, a imenovan je za člana Nadzornog odbora Doma zdravlja iz reda stručnih radnika Doma zdravlja;
- l) ako član Nadzornog odbora imenovan iz reda stručnih radnika Doma zdravlja učini težu povredu radne dužnosti;
- l) imenovanjem za direktora zdravstvene ustanove koja ima status pravne osobe;
- lj) neopravdanim izostankom sa dvije ili više sjednica Nadzornog odbora uzastopno ili sa više sjednica u toku uzastopnih 6 (šest) mjeseci;
- m) ako bude uposlen na drugoj izabranoj poziciji koja može utjecati na eventualni sukob interesa;
- n) smrću;

nj) način izbora, opoziva i mandat predsjednika i mandat članova Nadzornog odbora Doma zdravlja vrši se u skladu sa propisima o ustanovama, ako Federalnim zakonom nije drugačije određeno.

(3) U slučaju da dođe do privremenog razrješenja predsjedika, člana odnosno članova Nadzornog odbora, Vlada Kantona Sarajevo će istovremeno imenovati v.d. predsjednika i v.d. članove Nadzornog odbora, na period od najviše tri mjeseca, dok se ne provede zakonom propisani postupak imenovanja.»

Član 12.

U članu 84. u stavu (1) tačka q) se briše.

Dosadašnje tačke r) i s) postaju tačke q) i r).

Član 13.

(Stupanje na snagu)

Stupanjem na snagu ove Odluke prestaje da važi Odluka o izmjenama i dopunama Statuta Javne ustanove Dom zdravlja Kantona Sarajevo broj: 01-01-37-2/16 od 04.01.2016. godine.

Odluka o izmjenama i dopunama Statuta Javne ustanove Dom zdravlja Kantona Sarajevo stupa na snagu danom donošenja od strane Upravnog odbora Ustanove, a primjenjuje se od dana dobivanja saglasnosti od strane Skupštine Kantona Sarajevo.

SEKRETAR UPRAVNOG ODBORA

Samir Felah, dipl. pravnik

V.D. PREDSJEDNIK

UPRAVNOG ODBORA
M. Elvira
Divesta Mulahasanović,

dipl. pravnik

Broj: 01-01-37-39/16

Dana, 05.04.2016. godine

O b r a z l o ž e n j e

I – PRAVNI OSNOV

Pravni osnov za donošenje ove Odluke je sadržan u članu 63. i članu 65. Zakona o zdravstvenoj zaštiti («Službene novine FBiH» broj: 46/10, 75/13), kojima je propisano da su akti zdravstvene ustanove Statut i drugi opći akti, a da je Statut osnovni opći akt zdravstvene ustanove, dok je u stavu (3) člana 63. Zakona propisano da Statut zdravstvene ustanove podliježe obaveznoj saglasnosti Osnivača. Članom 65. stav (1) tačka 1. istog Zakona propisano je da djelokrug upravnog odbora zdravstvenih ustanova u vlasništvu Federacije, jednog ili više kantona i Federacije zajedno, odnosno kantona ili općine podrazumijeva i donošenje Statuta zdravstvene ustanove.

Članom 5. stav (1) Odluke o preuzimanju prava i obaveza osnivača i usklađivanju organizacije poslovanja Javne ustanove Dom zdravlja Kantona Sarajevo («Službene novine Kantona Sarajevo» broj: 07/12, 49/13, 50/13) regulisano je da je Statut osnovni opći akt Doma zdravlja koji donosi Upravni odbor uz obaveznu saglasnost Osnivača.

Članom 107. Statuta JU Dom zdravlja Kantona Sarajevo propisano je da se izmjene i dopune Statuta vrše na način i u postupku predviđenom za njegovo donošenje.

II- RAZLOZI ZA DONOŠENJE ODLUKE

Statut Javne ustanove Dom zdravlja Kantona Sarajevo usvojen je na sjednici Upravnog odbora Javne ustanove Dom zdravlja Kantona Sarajevo dana 06.06.2013. godine, a na isti je Skupština Kantona Sarajevo donijela Odluku o davanju saglasnosti, te je također objavljen u Službenim novinama Kantona Sarajevo broj: 40/13.

Dana 30.06.2015. godine iz Ministarstva zdravstva Kantona Sarajevo upućen je dopis broj: 10-sl/15, u kojem se navodi da je potrebno uskladiti važeći Statut JU Dom zdravlja Kantona Sarajevo sa postojećim zakonskim i podzakonskim propisima, koji regulišu oblast razrješavanja predsjednika i člana, odnosno članova Upravnog odbora, postupak u slučaju razrješenja, nadležnosti za korištenje sredstava Doma zdravlja u skladu sa Zakonom o javnim nabavkama («Službeni glasnik BiH» broj: 39/14), uslova koje mora ispunjavati lice koje kandidira za poziciju generalnog direktora, znanja iz zdravstvenog menadžmenta, slučaja razrješenja generalnog direktora dužnosti i prije isteka mandata na koji je imenovan od strane Upravnog odbora, kao i imenovanja v.d. predsjednika i v.d. članova Nadzornog odbora u slučaju razrješavanja predsjednika i člana, odnosno članova istog Odbora.

Također, dana 16.11.2015. godine iz Ministarstva zdravstva Kantona Sarajevo upućeno je obavještenje broj: 10-37-27079-1/15 u kojem se navodi da je Federalno ministarstvo zdravstva dopisom broj: 01-37-6161/15 od 29.09.2015. godine obavijestilo sva kantonalna ministarstva zdravstva na području Federacije BiH, da je u toku donošenje Pravilnika o izmjenama Pravilnika o uvjetima u pogledu vrste završenog fakulteta zdravstvenog usmjerjenja koje moraju ispuniti osobe koje konkurišu za direktora zdravstvene ustanove, a koji se odnosi na uvjet – znanje iz zdravstvenog menadžmenta, kako za direktore javnih zdravstvenih ustanova, tako i za direktore privatnih zdravstvenih ustanova. Iz navedenog

razloga statuti zdravstvenih ustanova nisu proslijedeni na Vladu i Skupštinu Kantona Sarajevo, dok navedene izmjene Pravilnika ne budu objavljene u «Službenim novinama Federacije BiH». Pravilnik o izmjenama Pravilnika o uvjetima u pogledu vrste završenog fakulteta zdravstvenog usmjerjenja koje moraju ispuniti osobe koje konkurišu za direktora zdravstvene ustanove objavljen je u «Službenim novinama Federacije BiH» broj: 83/15. Shodno navedenom, u obavještenju Ministarstva zdravstva Kantona Sarajevo broj: 10-37-27079-1/15 od 16.11.2015. godine naslovljenom na sve javne zdravstvene ustanove na području Kantona Sarajevo, istaknuto je kako je potrebno da odredbe Statuta Ustanove budu usaglašene sa naprijed navedenim izmjenama Pravilnika, te ostalim važećim zakonskim i podzakonskim propisima, i da je isto potrebno dostaviti Ministarstvu zdravstva Kantona Sarajevo u što kraćem vremenskom periodu, kako bi se dalje proslijedilo Vladi i Skupštini Kantona Sarajevo na proceduru i davanje saglasnosti.

Zatim je dana 15.03.2016. godine iz Ministarstva zdravstva Kantona Sarajevo dostavljeno mišljenje broj: 10-05-1880/16 u kojem se, između ostalog, navodi da je Ministarstvo razmotrilo Odluku o izmjenama i dopunama Statuta Javne ustanove Dom zdravlja Kantona Sarajevo broj: 01-01-37-2/16 od 04.01.2016. godine, te je utvrđeno da istom nisu obuhvaćene i na adekvatan način precizirane pojedine odredbe Statuta, te je potrebno da se određene izmjene i dopune Statuta izvrše u smislu izmjene i dopune Odluke broj: 01-01-37-2/16 od 04.01.2016. godine i to u članu 5., članu 6., članu 7., članu 9., članu 10., članu 12. i članu 13. iste, što je i učinjeno i po čemu se postupilo ovom Odlukom. U mišljenju Ministarstva zdravstva Kantona Sarajevo od 15.03.2016. godine istaknuto je i kako je Odluku o izmjenama i dopunama Statuta Javne ustanove Dom zdravlja Kantona Sarajevo od 04.01.2016. godine potrebno i pravno-tehnički doraditi, tako da se pravilno numerišu članovi Odluke, te na propisan način označe stavovi, tačke i alineje članova Statuta, te da je potrebno da Odluka sadrži i obrazloženje koje mora sadržavati slijedeće elemente: I – Pravni osnov, II – Razlozi za donošenje i III – Obrazloženje predloženih pravnih rješenja, te da je izmijenjenu i dopunjenu Odluku potrebno dostaviti Ministarstvu zdravstva Kantona Sarajevo u što kraćem roku u printanoj i elektronskoj formi, kako bi Ministarstvo istu moglo pripremiti i dostaviti Vladi i Skupštini Kantona Sarajevo na dalju proceduru.

Zakon o ministarskim, vladinim i drugim imenovanjima («Službene novine FBiH» broj: 12/03, 34/03, 65/13) u članu 7. stav (1) reguliše opće uslove koje su kandidati za imenovanje u regulirane organe dužni da ispunjavaju.

Imajući u vidu naprijed navedeno, a na koji način se dodatno regulišu gore navedene oblasti, neophodno je da Skupština Kantona Sarajevo doneše Odluku u predloženom tekstu.

III – OBRAZLOŽENJE PREDLOŽENIH PRAVNIH RJEŠENJA

Oblasti koje su regulisane ovom Odlukom su u potpunosti saglasne sa Zakonom o zdravstvenoj zaštiti FBiH, Zakonom o javnim nabavkama («Službeni glasnik BiH» broj: 39/14), Zakonom o ministarskim, vladinim i drugim imenovanjima FBiH, Pravilnikom o uvjetima u pogledu vrste završenog fakulteta zdravstvenog usmjerjenja koje moraju ispuniti osobe koje konkuriraju za direktora zdravstvene ustanove FBiH, kao i Odlukom o preuzimanju prava i obaveza osnivača i usklajivanja organizacije poslovanja Javne ustanove Dom zdravlja Kantona Sarajevo.

Što se tiče predmetne Odluke o izmjenama i dopunama Statuta Javne ustanove Dom zdravlja Kantona Sarajevo, članovi iste imaju slijedeće pojedinačno značenje, kao i normativni, odnosno pravni osnov:

U članu 1. Odluke sadržano je da se vrši dopuna teksta u preambuli Statuta JU Dom zdravlja Kantona Sarajevo tako da se iza broja: «46/10» dodaje i broj: «75/13» iz razloga što je stupio na snagu i Zakon o dopuni Zakona o zdravstvenoj zaštiti koji je objavljen u Službenim novinama FBiH broj: 75/13, dok su se iza broja: «7/12» dodali brojevi «49/13 i 50/13», jer je stupila na snagu Odluka o izmjeni Odluke o preuzimanju prava i obaveza osnivača i usklađivanju organizacije i poslovanja Javne ustanove Dom zdravlja Kantona Sarajevo.

U članu 2. Odluke, propisano je da se vrši dopuna što se tiče sadržaja člana 3. stav (2) Statuta, tako da se iza broja: «46/10» dodojao i broj: «75/13», iz razloga što je stupio na snagu i Zakon o dopuni Zakona o zdravstvenoj zaštiti koji je objavljen u Službenim novinama FBiH broj: 75/13.

U članu 3. predmetne Odluke sadržano je da se u članu 16. stav (1) Statuta JU Dom zdravlja Kantona Sarajevo dodaje nova tačka l) koja glasi «specijalističko-konsultativna djelatnost», iz razloga što je na sjednici održanoj dana 11.12.2013. godine Skupština Kantona Sarajevo donijela Odluku o izmjeni Odluke o preuzimanju prava i obaveza osnivača i usklađivanju organizacije i poslovanja Javne ustanove Dom zdravlja Kantona Sarajevo broj: 01-05-31457/13, a zatim je donesena i Ispravka navedene Odluke dana 18.12.2013. godine od strane Sekretara Skupštine Kantona Sarajevo broj: 01-05-31457-1/13, kojom se uvrstila nova tačka pod nazivom «l) specijalističko-konsultativna djelatnost» u vezi člana 3. stav (1) već spomenute Odluke broj: 01-05-31457/13 od 11.12.2013. godine.

Član 4. ove Odluke sadrži dopunu tako da se iza broja: «34/03» dodaje i broj: «65/13», iz razloga što je stupio na snagu i Zakon o izmjenama i dopunama Zakona o ministarskim, vladinim i drugim imenovanjima koji je objavljen u Službenim novinama FBiH broj: 65/13. dok se iza riječi «Federalnim zakonom» stavlja tačka «.», jer je slijed teksta što se tiče naziva Zakona o zdravstvenoj zaštiti FBiH u daljem tekstu Statuta JU Dom zdravlja Kantona Sarajevo propisan u članu 3. stav (2) istog, a upravo zbog toga se i briše dio teksta, na način kako je to regulisano članom 4.

Član 5. konkretne Odluke reguliše oblast koja se odnosi na slučaj razrješavanja predsjednika i člana, odnosno članova Nadzornog odbora, kojom je došlo do izmjene člana 35. stav (1) Statuta na naprijed opisani način, te do izmjene teksta Statuta JU Dom zdravlja Kantona Sarajevo tako da u istom članu u stavu (2) Statuta umjesto riječi «dva» treba da stoji riječ «tri», a u skladu sa odredbama Zakona o ministarskim, vladinim i drugim imenovanjima Federacije Bosne i Hercegovine.

Članom 6. Odluke, koja se odnosi na oblast nadležnosti za korištenje sredstava Doma zdravlja, došlo je do izmjene člana 38. stav (2) Statuta, jer je stupio na snagu Zakon o javnim nabavkama BiH.

Član 7. Odluke propisuje izmjenu člana 39. stav (1), iz razloga što je došlo do dopune teksta istog člana stav (1), a u skladu sa uslovima koje mora ispunjavati lice koje kandidira za poziciju generalnog direktora, što je predviđeno članom 7. stav (1) Zakona o ministarskim, vladinim i drugim imenovanjima Federacije Bosne i Hercegovine, kao i članom 1. i članom 2. Pravilnika o izmjenama Pravilnika o uvjetima u pogledu vrste završenog fakulteta

zdravstvenog usmjerjenja koje moraju ispuniti osobe koje konkurišu za direktora zdravstvene ustanove («Službene novine FBiH» broj: 83/15).

Pravilnik o uvjetima u pogledu vrste završenog fakulteta zdravstvenog usmjerjenja koje moraju ispuniti osobe koje konkuriraju za direktora zdravstvene ustanove («Službene novine FBiH» broj: 10/12, 15/13, 90/13, 83/15, 22/16) propisuje da direktor zdravstvene ustanove primarne zdravstvene zaštite na nivou Doma zdravlja mora imati završen medicinski fakultet ili stomatološki fakultet, odnosno farmaceutsko-biohemski fakultet i jednu od specijalizacija iz okvira djelatnosti Doma zdravlja, ili završen medicinski fakultet sa specijalizacijom iz socijalne medicine, organizacije i ekonomike zdravstva, najmanje pet godina radnog iskustva u struci, te mora imati znanje o zdravstvenom menadžmentu koje dokazuje certifikatom o obavljenoj edukaciji iz zdravstvenog menadžmenta, odnosno završenoj specijalizaciji iz zdravstvenog menadžmenta ili završenom postdiplomskom studiju iz zdravstvenog menadžmenta. Također, isti Pravilnik određuje da su kandidati koji budu izabrani na poziciju direktora zdravstvene ustanove, a koji su znanje o zdravstvenom menadžmentu, u konkursnoj proceduri, dokazivali certifikatom o obavljenoj edukaciji iz zdravstvenog menadžmenta – operativni menadžment (osnovni nivo), obavezni da u roku od 24 mjeseca, računajući od dana imenovanja na poziciju direktora zdravstvene ustanove, steći znanje iz zdravstvenog menadžmenta (napredni nivo), ili završiti specijalizaciju iz zdravstvenog menadžmenta, odnosno završiti postdiplomski studij iz zdravstvenog menadžmenta.

Ukoliko zatečeni direktori zdravstvenih ustanova znanje o zdravstvenom menadžmentu dokazuju certifikatom o obavljenoj edukaciji iz zdravstvenog menadžmenta – operativni menadžment (osnovni nivo), obavezni su u roku od 24 mjeseca, računajući od dana stupanja na snagu Pravilnika o izmjenama Pravilnika o uvjetima u pogledu vrste završenog fakulteta na snagu Pravilnika o izmjenama Pravilnika o uvjetima u pogledu vrste završenog fakulteta zdravstvenog usmjerjenja koje moraju ispuniti osobe koje konkuriraju za direktora zdravstvene ustanove («Službene novine FBiH» broj: 83/15), steći znanje iz zdravstvenog menadžmenta (napredni nivo), ili završiti specijalizaciju iz zdravstvenog menadžmenta, odnosno završiti postdiplomski studij iz zdravstvenog menadžmenta.

Odluka u članu 8. odnosi se na izmjenu člana 40. stav (1) tačka a) Statuta, a reguliše da se znanje iz oblasti zdravstvenog menadžmenta dokazuje certifikatom o obavljenoj edukaciji iz zdravstvenog menadžmenta (osnovni nivo), a u roku od 24 mjeseca, računajući od dana imenovanja na poziciju generalnog direktora, potrebno je da generalni direktor stekne znanje iz zdravstvenog menadžmenta (napredni nivo), ili završi specijalizaciju iz zdravstvenog menadžmenta, odnosno završiti postdiplomski studij iz zdravstvenog menadžmenta, sukladno propisima o kontinuiranoj profesionalnoj edukaciji iz zdravstvenog menadžmenta (napredni nivo), odnosno specijalizaciji iz zdravstvenog menadžmenta ili završenom postdiplomskom studiju iz zdravstvenog menadžmenta, u skladu sa Pravilnikom o uvjetima u pogledu vrste završenog fakulteta zdravstvenog usmjerjenja koje moraju ispuniti osobe koje konkuriraju za direktora zdravstvene ustanove. U istom članu ove Odluke dodaje se nova tačka b) Statuta, koja propisuje da ukoliko zatečeni generalni direktor znanje o zdravstvenom menadžmentu dokazuje certifikatom o obavljenoj edukaciji iz zdravstvenog menadžmenta – operativni menadžment (osnovni nivo), obavezan je u roku od 24 mjeseca, računajući od dana stupanja na snagu Pravilnika o izmjenama Pravilnika o uvjetima u pogledu vrste završenog fakulteta zdravstvenog usmjerjenja koje moraju ispuniti osobe koje konkuriraju za direktora zdravstvene ustanove («Službene novine FBiH» broj: 83/15), steći znanje iz zdravstvenog menadžmenta (napredni nivo), ili završiti specijalizaciju iz zdravstvenog menadžmenta,

odnosno završiti postdiplomski studij iz zdravstvenog menadžmenta, dok dosadašnja tačka b) postaje tačka c).

Član 9. ove Odluke tiče se slučaja razrješenja generalnog direktora dužnosti i prije isteka mandata na koji je imenovan od strane Upravnog odbora, tako da se u članu 43. stav (2) važećeg Statuta dodaje nova tačka i).

Član 10. ove Odluke sadrži dopunu tako da se iza broja: «34/03» dodaje i broj: «65/13», iz razloga što je stupio na snagu i Zakon o izmjenama i dopunama Zakona o ministarskim, vladinim i drugim imenovanjima koji je objavljen u Službenim novinama FBiH broj: 65/13.

Član 11. Odluke odnosi se na slučajeve imenovanja i razrješavanja predsjednika, člana, odnosno članova Nadzornog odbora prije isteka vremena, tako da je, imajući u vidu tu okolnost, došlo do izmjene člana 57. Statuta.

Odluka u članu 12. sadrži dio koji se odnosi na izmjenu člana 84. stav (1) Statuta, u smislu da se vrši brisanje tačke q) koja se odnosi na činjenicu da Pravilnik o plaći, naknadama na plaće i drugim materijalnim pravima zaposlenika Doma zdravlja koje nemaju karakter plaće predstavlja opći akt. Navedeno brisanje tačke q) vrši se iz razloga što je već važećim Pravilnikom o radu, unutrašnjoj organizaciji i sistematizaciji radnih mjesta Ustanove regulisani i propisani svi segmenti koji se odnose na oblast plaća, naknada plaća i druga materijalna primanja zaposlenika koja ne posjeduju karakter plaće. Samom radnjom izvršenja brisanja tačke q), u članu 84. stav (1) dosadašnja tačke r) i s) postaju tačke q) i r).

Naposljetku, u članu 13. utvrđeno je da prestaje da važi Odluka o izmjenama i dopunama Statuta Javne ustanove Dom zdravlja Kantona Sarajevo broj: 01-01-37-2/16 od 04.01.2016. godine, kao i rok stupanja na snagu ove Odluke.

JAVNA USTANOVA DOM ZDRAVLJA
KANTONA SARAJEVO
GENERALNI DIREKTOR
BROJ: 01-05-1954-2/16
DANA, 06.04.2016. GODINE
SARAJEVO, VRAZOVA 11

8.04.2016
13:20
upozorjeno
JAVNA USTANOVA DOM ZDRAVLJA KANTONA SARAJEVO
GENERALNI DIREKTOR

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
MINISTARSTVO ZDRAVSTVA
UL. REISA ĐEŽMALUDINA ČAUŠEVIĆA BR. 1
71000 SARAJEVO

SL novnje
čuks 20/16

Ministrica
Zilha Ademaj, dipl. oec

Predmet: Odluka o izmjenama i dopunama Statuta Javne ustanove Dom zdravlja
Kantona Sarajevo broj: 01-01-37-39/16 od 05.04.2016. godine u printanoj
i elektronskoj formi, dostavlja se
Veza Vaše mišljenje broj: 10-05-1880/16 od 15.03.2016. godine

Dana 15.03.2016. godine uputili ste mišljenje broj gornji prema JU Dom zdravlja Kantona Sarajevo, prema Upravnom odboru i generalnom direktoru, zaprimljeno 22.03.2016. godine pod brojem protokola: 01-05-1954/16, u vezi Odluke o izmjenama i dopunama Statuta Javne ustanove Dom zdravlja Kantona Sarajevo broj: 01-01-37-2/16 od 04.01.2016. godine, te je utvrđeno da istom nisu obuhvaćene i na adekvatan način precizirane pojedine odredbe Statuta.

S tim u vezi, bilo je potrebno da se određene izmjene i dopune Statuta izvrše na način kako je to navedeno u mišljenju od 15.03.2016. godine.

Uzimajući u obzir prethodno navedeno, kao i istaknuto u mišljenju, u prilogu akta dostavljamo Vam u dovoljnem broju primjeraka u printanoj formi i u elektronskoj formi Odluku o izmjenama i dopunama Statuta Javne ustanove Dom zdravlja Kantona Sarajevo broj: 01-01-37-39/16 od 05.04.2016. godine, radi uvida i razmatranja.

S poštovanjem!

Dostaviti:

- Naslovu s prilogom
- Upravni odbor JUDZKS 06.04.16
- SPKOP 06.04.16
- a/a

Keramik

GENERALNI DIREKTOR

Prim.dr Milan Mioković
spec. porodične/obiteljske medicine





Broj: 10-05-1880/16
Sarajevo, 15.03.2016. godine

22-03-2016

JU Dom zdravlja Kantona Sarajevo
n/r v.d. Predsjednika Upravnog odbora, Elvesta Mulahasanović
n/r Generalnog direktora, Prim. dr Milan Mioković
ul. Vrazova broj 11,
Sarajevo

1954/16
BWV-01-01-37-39/
D 05.04.2016-3

**PREDMET: Mišljenje na Odluku o izmjenama i dopunama Statuta JU Dom zdravlja
Kantona Sarajevo – dostavlja se**

Ministarstvo zdravstva Kantona Sarajevo je razmotrilo Odluku o izmjenama i dopunama Statuta Javne ustanove Dom zdravlja Kantona Sarajevo broj: 01-01-37-2/16 od 04.01.2016. godine. te je utvrđeno da istom nisu obuhvaćene i na adekvatan način precizirane pojedine odredbe Statuta.

S tim u vezi, potrebno je da se određene izmjene i dopune Statuta izvrše na sljedeći način:

1. U članu 5. Odluke o izmjenama i dopuna Statuta, pored već predloženog teksta izmjene tačke d), u članu 35. stav (1), u navedeni član treba dodati i slijedeće tačke:

- ako se ne pridržava uputa i smjernica Osnivača,
- ako učestvuje u donošenju nezakonitih akata ili odluka kojim se nanosi šteta Domu zdravlja,
- ako podnese ostavku na mjesto predsjednika odnosno člana Upravnog odbora Doma zdravlja,
- ako svojim radom onemogućava ili otežava rad Upravnog odbora Doma zdravlja,
- ako svojim radom onemogućava ili otežava rad Nadzornog odbora Doma zdravlja,
- ako mu prestane radni odnos u Domu zdravlja, a imenovan je za člana Upravnog odbora Doma zdravlja iz reda stručnih radnika Doma zdravlja,
- ako član upravnog odbora imenovan iz reda stručnih radnika Doma zdravlja učini težu povredu radne dužnosti,
- imenovanjem za direktora zdravstvene ustanove koja ima status pravne osobe,
- neopravdanim izostankom sa dvije ili više sjednica Upravnog odbora uzastopno ili sa više sjednica u toku uzastopnih šest (6) mjeseci,
- ako bude uposlen na drugoj izabranoj poziciji koja može utjecati na eventualni sukob interesa i
- smrću.

Takođe dosadašnje tačke e) i f) u članu 35. u stavu (1) je potrebno brisati, obzirom da je isto navedeno u članu 30. u stavu (6) i (7).

2. Izmjeni predloženu u članu 6. Odluke o izmjenama i dopunama Statuta, ubaciti u član 5. Odluke o izmjenama i dopunama, radi racionalizacije teksta.

3. Član 38. stav (2) Statuta treba izmjeniti na slijedeći način.

U članu 38. stav (2) Statuta mjenja se i glasi:

..(2) Generalni direktor Doma zdravlja ima sva ovlaštenja u pravnom prometu u okviru djelatnosti Doma zdravlja upisane u sudski registar, uz ograničenja utvrđena ovim Statutom.

a) Generalni direktor Doma zdravlja raspolaže finansijskim sredstvima utvrđenim Finansijskim planom Doma zdravlja usvojenim od strane Upravnog odbora na koji saglasnost daje Osnivač.

b) Generalni direktor Doma zdravlja, u skladu sa Finansijskim planom Doma zdravlja i Planom nabavki Doma zdravlja, samostalno zaključuje pojedinačne ugovore za nabavku roba i usluga čija je vrijednost procijenjena do iznosa 50.000 KM, a za nabavku radova čija je vrijednost procijenjena do iznosa 80.000 KM.

c) Za zaključivanje pojedinačnih ugovora čija je vrijednost procijenjena na iznose preko 50.000 KM za nabavku roba i usluga, odnosno preko 80.000 KM za nabavku radova, Generalnom direktoru Doma zdravlja je potrebna prethodna saglasnost Upravnog odbora Doma zdravlja.

d) Za finansijska sredstva koja se odnose na plaće zaposlenika i druga prava zaposlenika iz radnog odnosa koja nemaju karakter plaće, Generalni direktor Doma zdravlja odlučuje u skladu sa Finansijskim planom Doma zdravlja, Pravilnikom o radu Doma zdravlja i drugim općim aktima kojima su regulisana prava iz radnog odnosa.

e) Za finansijska sredstva koja se odnose na isplate po osnovu: edukacija, stručnih usavršavanja, službenih putovanja, pomoći, donacija, pozajmica i drugih vidova finansijskih izdataka, Generalni direktor Doma zdravlja može samostalno odlučivati za svaki pojedinačni vid izdataka, u iznosu do 5.000 KM, a za iznose preko 5.000 KM potrebna mu je prethodna saglasnost Upravnog odbora Doma zdravlja, u skladu sa Finansijskim planom Doma zdravlja, Pravilnikom o radu Doma zdravlja i drugim općim aktima kojima je regulisano naprijed navedeno“.

4. U članu 9. Odluke o izmjenama i dopunama Statuta, kojim se mijenja tačka a) u članu 40. ispred predloženog teksta treba dodati oznaku „a);

5. U članu 10. Odluke o izmjenama i dopunama Statuta, kojim se u članu 43. u stavu (2) dodaje nova tačka i), u istoj treba samo brisati riječ „ako“ jer se ponavlja.

6. U članu 12. Odluke o izmjena i dopunama Statuta, u predloženom stavu (1)iza riječi „Imenovanje“ treba dodati i riječ „razrješenje“.

Stav (2) navedenog člana koji se odnosi na prijevremeno razrješenje predsjednika, člana odnosno članova Nadzornog odbora, treba pripremiti i razraditi analogno kao i prijevremeno razrješenje predsjednika, člana odnosno članova Upravnog odbora, tako da pored već predloženih tačaka, treba dodati i nove tačke koje su već navedene pod tačkom 1. ovih primjedbi, prilagođene za Nadzorni odbor.

7. U članu 13. Odluke o izmjenama i dopunama Statuta, predloženi tekst treba racionalizati, tako da glasi:

„U članu 84. u stavu (1) tačka q) se briše“.

Dosadašnje tačke r) i s) postaju tačke q) i r).

Odluku o izmjenama i dopunama Statuta Javne ustanove Dom zdravlja Kantona Sarajevo je potrebno i pravno-tehnički doraditi, tako da se, u smislu naprijed navedenih izmjena i dopuna, pravilno numerišu članovi Odluke, te na propisan način označe stavovi, tačke i alineje, članova Statuta. Takođe obavezni ste uz Odluku o izmjenama i dopunama Statuta dostaviti i obrazloženje koje mora sadržavati sljedeće elemente: I – Pravni osnov, II – Razlozi za donošenje i III – Obrazloženje predloženih pravnih rješenja.

Navedenu odluku je potrebno dostaviti Ministarstvu zdravstva Kantona Sarajevo u što kraćem roku u printanoj i elektronskoj formi, kako bi ovo ministarstvo istu moglo pripremiti i dostaviti Vladi i Skupštini Kantona Sarajevo na dalju proceduru.

S poštovanjem,

MINISTrica
Zilna Ademaj, dipl. lec



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104, Fax: + 387 (0) 33 562-243
Sarajevo, Reisa Džemaludina Čauševića 1